

GIMTUOSĖS DAUKONTA SĖMUONA VĒITAS

# LĒNKĒMĀ

SUNGAILIENĖS LORETAS  
TEKSTS ĒR PORTĒGRAPĒJĒS

Lėnkėmā – vėns iš Skouda rajuona bažnītkaimiu, katrou žmuonis Lietovuo daugiausė žėna pagal tou, ka ĉe, bažnīĉės švėntuoriou, īr palaiduota pėrmuoję lieto-vėškā rašiosė mūsa istuorika, tautuosakas rinkiejė, švėitiejė, rašītuojė, kultūras veikiejė Daukonta Sėmuona muotina Daukontienė-Uodinātė Kuotrīna. Kelė kiluometrā nu Lėnkėmu – ěr S. Daukonta gimtėijė Kalvė. Bovosiuo Daukontū suodībuo stuov perstatīta Daukontū suodības klietelė, katruo veik muziejielis.

No vuo Lėnkėmā, katrėi paskotėnės metās vės mažie (keitas ne tik gīventuojū, bet ěr suodību skaiĉios), īr apgaubtė tuo krašta neperskaituoma paslaptim. Ć



Lėnkėmu miestelė cėntrė – Šv. Uonuos bažnīĉė (pastatīta 1837 metās) ěr Lietovuos atgėmėma metās atstafīts medinis krīžios miestelė cėntrė



gīvenou žmuonis kor sava pasauli, ĉe anėi gīven sava gīvenėmus, raša knīngas, augėn vākus, kvietkas, gražė tvarka sava suodības ěr, ka ěr vėsuokiausė sunkomā kartās, kap ěr kėtus Lietovuos žmuonis spaud, muok būtė laimingė. Atejos laikou, anėi lonka miestalė cėntrė stuovintė Šv. Uonuos bažnīĉė ěr meldas anuo, poikė priveiz šalėp anuos esonti skverieli, katramė prīš ke-liuolėka metu rajuona intėligėntu rūpesnio pastatīts pa-



Daukonta Sėmuona muotinas Daukontienės-Uodinātės Kuotrīnas kaps Lėnkėmu bažnīĉės švėntuoriou ěr kapa epitafijė



S. Daukonta paminklos Lėnkėmūs (skulptuorios R. Midvikis)

minklos S. Daukontou (skulptuorios Midvikis Regimants). Īr če ěr Ontrājėmė pasaulėnemė karė žovusiu kariū kapėnės, šalėp anū – Lietovuos atgėmėma metās atstatīts senāsis Lėnkėmu miestelė krīžios. Jau mėnavuotamė bažnīčės švėntuoriou – nedėdėlė varpėnė.

Lėnkėmu bažnīčė – kultūras paminklos, katruo ĩr saugomė ěr vertingu tapības kūrėniū.

Lėnkėmūs daugiausė žmuoniū sotrauk če organizuojėmė tradicėnė festivalė ěr Šv. Uonuos atleidā. Šalėp bažnīčės – suovietmetio pastatītė kultūras nomā ěr pagrindėnė muokīkla. Vākū apīlinkie kuožnās metās tėp pat vės mažiau ěr mažiau, bet tėi, katrėi gīven Lėnkė-



Nedėdėlė, gražiū architektūrinu formu Lėnkėmu varpėnė stuov bažnīčės švėntuoriou

mūs, tėkas, kad ateis laiks, ka prasidies ěr atvirkštiniis pruocesos – atjaunies Lėnkėmā.

Važiousėt kelio Darbienā–Skouds, sostuokėt Lėnkėmūs, užvažioukėt i Kalvius.



Pagrindinis Lėnkėmu miestelė architektūrinis akoėnts – balta līg golbė Šv. Uonuos bažnīčė